

MUHTACTA SE LOM TOK NU LOHM IN REK WIHS

Mas se inge SARS-CoV-2 el tuhkuh nu fin acn Hawaii ke March 2020. Ke srihpen mas se inge el arulacna sensen kihnyuck ac oraclah elyah yohk nuhsin mwet uh, pacnacng kuht enenuh in kahrihngihn fahsrelihk luhn mas se inge nuhsin mwet mas kuh mwet orekma ke pacl se kom tuhkuh nuh lohm in wihs uh. Lanai Community Health Center el oraclah masap kom in uke ke pacl se kom ac tuhkuh nu lohm in wihs uh.

Kuht arulacna engan ke muhtacta lom nuhke lohm in wihs uh. Sripac se ma wo emeet in ahksrihkyelah coronavirus pa kom in sifacna srihke kom in lie kom yang kuh sifacna etu lah meac wo nuhsum sifacna. Sie pac ma wo an pa kom in sifacna lie kom yang lohm sum kuh acn sum, ac etuh in ahknacsnacs ikom ac karihngihn wihsum el sie pac ma ac kuh in kahsre kom. Sie pac ma ac kahsruh ahkfihsracsryelah elyah luhn wihsum pa som nuh lohm in wihs ah. Fin waek wihsum kuh fahrlah wihsum kom silahklahk suk kahsruh nuh lohm in wihs elos in kahsre kom ahkfihsracsryelah ngal lom an, liki na kom in muhta ne upac lah.

Ma km enenuh in etuh ac ahkolah nuhke tuhkuh se lom tok nuh oruhsr

Ke pacl se kom som liki lohm sum ac tuhkuh nuh clinic, enenuh kom in tiac pula mas, kain nuhke fol, cough cough, mahl, kuh kom koflah ngusrohk ma uh kuh ema ma uh, ngal kapihnsruhlyom, ngal mahno, insucfngal, facfuhn, koluk ikwac kuh woht, fohk sohrohr, kuh wacngihn kuhiyom. Kom fin pula muh kom mas, kom ahkfihsracsryelah mas lom an met liki kom tuhkuh in muh tiac oraclah elyah yohk. Esam kom in us mask lom an, ac esam lah len 14 met ah kom kahrihngihn kuh lie kom yang liki coronavirus. Inguna kuht tiac sifil lelah kom in us tuhlihk nuhtum kuh us mwet in wikom tuhkuh nuhke appointment lom nu lohm wihs uh. Ma inge ma sang kahsruh karihngihn mwet orekma lasr ac oacyac pac community lasr uh.

Ke pacl se kom sun clinic, kuht ngihsre kom in muhta na lun stosah okom an tiac srolah kuh tifoki ac park na ke acn in park ah, na kom pahngon nuhmpuh luhn clinic ahkkahlemye lah kom oasr lihk an.



Sie mwet orekma lasr inge muhta mohtohnac in utyak uh ac oruh screen lal, ac elac fah pahngonkom kom in utyak ke pacl se el lie mu pacl fal kom in utyak.

Sang mask lom an met liki kom utyak nuhke mohtohnac an, ac lie in wo lah paye kohsraclah infwem ac inwaclum. Mwet se ma muhta mohtohnac an ac tuhfah siyuck kihsen siyuck ekahsr, ac eis pahluh lom an. Pacl se kom tari ke screening an kom muta na tupahn in pang kom, ke puhluhn pacl se kom muhta tuhpan an, oruh kom in tiac fototo foot 6 nu yurun mwet se sahyac wikom muhta, ac orekma kihn na mask lom an.

Ke pacl se mwet se orekma ke acn wihs ah uskom yak nuhke acn in wihs lalos, elac tuhfah lie appointment lom an, ac oruh kihsen siyuck lal ma ac som yohk nuh ke mas lom, ono nimom, ma kom puhla kom koluk nuhkac, ac ma sahyac pac. Elac eis pahluh lom, ac srihke yac pac luhan toasr iyom, ac ma enene yuck pac sahyac.

Ac tuhfah akkahlemyeyuck nuhsum ma kom enenu in etuh, kuh kahrihngihn kom ke pacl se kom utyak nuhke acn in orekma kuh ono lalos. Kuhtuh ma elos orekma kihn nuhke acn in ono lalos inge, kom ac tuhlihk nuhtum an ac surhnga kuh tiac luhngse ma kihn, tuh ma inge ma ac sang kahsre kom ac kahsruh pac mwet orekma uh.

Kom ac utyak nuhke acn in ono uh ac kom ac tuhfah akihlen lah orek lac in asr inmahsrllo se mwet uh inte fototo nuhsin sie sin sie. Tuhlihk nahtuhsr kuh mwet mahtuh uh ac sahngeng kuh mekihn ke atac sasuc se, kain nuhke inmahsrllo se ma orek lac in sang kahsre kom ac kahsruh mwet orekma ke acn in ono se kewa. Mase met kom ac akihlen ke utyak lom an pa orek lac in asr inmahsrlon mwet in te foto ac kom ac akihlen pac lah mwet orekma lasr uh orekma kihn mask se ke muhtahltahl ma ac ruh muhtahlos oacna in astronaut. Mask se kuht orekma kihn inge ma ac sang kahsruh kohsraclah mas se inge coronavirus. Ac tuhfah utuck koht pac mwe owo inwacluh se kom in sang ohllah inwaclum ke mihnit 1 in sang uniyac oacna sie virus ac in sang ahksrihkyelah sronin waclum ac sang pac ahkwoyelah inwaclum. Ac oasr pac mwe enyeng se an mohtohnac in utyak an ma ac sang kahsruh uniyac kuh lohsack virus in te utyak nuhke acn in ono, ac oacyac pac kahsruh ahkwoyelah eng kom momong kac ke pacl se kom muhta sano in pahng kom. Kuht karihngihn acn in ono lasr uh kom in tuhkuh ono tuh tiac elyah ne kena sahflah ono lom oruhsr uh.

